

全
華
叢
書

全華叢書

純白齋類稿二十卷附錄二卷

金華叢書

退補三開卷

白齋集卷二十

純白齋類藁序

純白齋者吾宗古愚先生著書之所
也先生名助字古愚自號純白老人
元至正間授承信郎官太常博士歸
田時宦囊如洗好讀書以文名尤耽
吟咏自編其藁三十卷明正德間先

生六世孫淮搜尋遺集重梓于家其
存者詩賦雜文共二十卷附錄二卷
皆當時名士大夫授贈之作仍以純
白齋類稿名之非復先生手編之舊
矣嗟乎吾郡當有元時其講明理學
而兼工詞翰者有許白雲原本經術

而共推詞宗者有吳立夫他如黃文
獻柳文肅無不篤守聖經以文章著
譽先生皆引為文字交其同以詩賦
雄一時者惟胡與陳陳則鹿皮子胡
即先生也鹿皮子集祇四卷不及先
生十之二先生詩文之美蜀郡虞集

陵陽貢奎序中已詳言之余何敢復
贅一辭所幸者先生世居東陽之東
湖離余家僅四十五里又與余始祖
同出安定是書其裔孫於康熙朝已
重鋟之閱今二百餘年猶不為刳灰
所化此殆先生呵護之靈也抑亦子

孫之能善守也客秋宗廉回里郵寄
來鄂余因亟付梓人以廣厥傳我胡
氏子孫誦先人之清芬其尚知所法
哉同治十二年癸酉夏四月永康後
學胡鳳丹謹序



重鐫純白齋類稿序

余觀詩歌一道上足以徵治下足以平情是以古先哲王奏二南於房中俾里巷編氓皆得歌吟而佩服之今

聖天子建極中和治化洋溢萬幾之暇

御製詩章婉美南風之曲學士大夫競工韻學以成一代之盛而於臣工亦時

賜詩以加獎勵且

命詞臣彙輯唐詩發帑金繡梓風示天下故凡受官

莅土莫不體此爲兢兢予令東陽往往搜採遺文期副

上意辛巳夏公事過東湖之地見其青峯環秀碧澗
涵澄知其中必產名儒偉士詢之則元時編修公助
胡先生之故居也叩其遺書謂代凡數易兵燹頻經
卷冊散軼無有存者歎惜久之今年冬余以丁內憂
出居寓樓將行先生之裔持重鑄純白齋類稿乞序
於余余發視之迺知爲先生集也循諷再三歎其詩
力雄厚上追古人其理密而詞醇如白璧之無疵也

學博而氣古如寶鼎之有耀也曠懷高寄如流雲之
過空憂世傷時如暮猿之啼峽視談雕琢綺繪家奚
啻秦岱培塿之別是誠有元一代之遺音可以徵上
治平不情不遷徙於風氣傑然成一家言者余固有
發潛表隱之責而搜採遺文又予素志雖匆匆行色
不辭數言以序其畧云

康熙丙戌仲冬賜進士出身文林郎知東陽縣事張
愈奇書于吳寧寓樓

士出良文林源映東樹源事
不期雖有以京其器云

其器表測之實而對料應又又年表志觀於夢音

出平不測不測對飲風除對然過一寒言當余固

其器表測之實而對料應又又年表志觀於夢音

出平不測不測對飲風除對然過一寒言當余固

其器表測之實而對料應又又年表志觀於夢音

純白齋類稿序

純白齋者元太常博士古愚胡先生之自號也類稿者先生之子瑜以詩文遺稿類而別之以便傳誦總三十卷歲久薦經兵燹殘缺失次且第二卷及後一連十三卷俱無存今六世孫淮深痛惜之廿餘年間徧扣文獻大家求其遺墨分入各類以補之仍曰類稿又以當時名公所贈詩文類于卷末以爲附錄湊二十二卷將以刊梓于家以勗後裔錄成其從昆季子姓見之皆喜各出工費以助其成間嘗示余校正

且祈文以序篇端余嘗聞純白先生自幼天資警敏
勤學修行長則宦遊京國三十餘年盡友天下士以
資麗澤若馬公祖常危公素虞公集歐陽公立蘇公
天爵以及吾鄉之柳公貫黃公潛皆與之締文字交
以故作爲詩文澹而文質而麗脫去綺靡浮薄之態
而自成雍容典雅之音其長篇則充暢而條達其詩
律多精縝而華潤觀其扈蹕上都出居庸過雲州至
灤河賦李老谷登李陵臺關河歷覽之雄宮鑣物儀
之盛目之所觸肆口成章讀之亶亶使人忘倦誠吾

鄉之一代儒宗也於乎前人之有善不幸弗傳天下
後世無自而知者衆矣先生之文有子若瑜者纂修
於前尤復世有賢孫子紹述於後今去百四十餘年
卽其書想其人尙猶一日也何其幸哉爲之後者尤
當珍藏以傳永久以繼承先志可也先生姓胡名助
字古愚別號純白老人爲東陽東湖之故家云正德
庚午春二月同邑後學杜儲公運書